



Cumün da Valsot

Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Poz 86 • CH-7556 Ramosch

Affischa

Suprastanza cumünala dals 27.08.2020

Presidi: Peer-Puorger Victor

Participant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri

S-chüsà:

Protocol: Oswald Gian Claudio

Fabrica: Paulmichi-Rodigari Albin

Giast/s:

tractandas	tema	responsabel
1	0120 Executiva Acconsentimaint protocol	tuots
2	0220 Uffizi da fabrica Dum. da fabrica no. 031/2020, tschuffa da laina nouva, Zanotta-Caviezel Hans, parcella no. 297, Plaz Sura 75, 7556 Ramosch	vp/ap
3	7900 Planisaziun dal territori Revisiun totala da la planisaziun cumünala Surelavuraziun in basa a l'examinaiziun preliminar	fr/ap
4	8715 Ütilisaziun da l'energia Energia Engiadina; contribuziun al man public Fixaziun da tala pel 2021	vp/go
5	8120 Vias champestras Surpassamaints Vias champestras	vp/go
6	0120 Executiva Orientaziuns	tuots
7	0120 Executiva Varia (suprastanza cumünala)	tuots

0120 Executiva

120 Acconsentimaint protocol

Il protocol da la sezzüda dals 18 d'avuost 2020 vegn approvà.

0220 Uffizi da fabrica

121 Dum. da fabrica no. 031/2020, tschuffa da laina nouva, Zanotta-Caviezel Hans, parcella no. 297, Plaz Sura 75, 7556 Ramosch

Il capo ed il manader tecnic spiegian, cha'l petent ha davo avoir tschüf la risposta negativa in connex cun sia dumonda da fabrica giavüschà üna visita sül lö. A chaschun da quella han il manader tecnic ed il capo constatà cha'l terrain creschü nun es gnü disegnà correct aint i'l plan da la dumonda. Lur masürasiun demuossa, cha la tschuffa previssa gnis construida da maniera cha'l tet sfuondress davovart i'l terrain. Unicamaing ha da gnir redotta la larghezza da la chamonna e quai da 3.85 meters sün 3.5 meters, uschè cha in quella direcziun es tgnüd'aint la masüra da distanza culla parcella vaschina. Il petent prevezza da strar giò la scarpada e da rinforzar tala cun ün mür da beton nouv. Tanter ün vegl mür existent, chi's rechatta actualmaing suot terrain, ed il nouv vegn implü realisada üna drenascha. Our dal motiv cha quista costa as rechatta sper la piazza da scoula pro la chasa da socula a Ramosch, vegn implü resguardà l'aspet da sgürezza. Our da quel motiv sun il capo ed il manader tecnic da l'avis chi füss d'agradir a la dumonda e da conceder il permiss da fabrica.

La suprastanza va d'accord culla proposta e decida da conceder il permiss da fabrica.

7900 Planisaziun dal territori

122 Revisiun totala da la planisaziun cumünala

Surelavuraziun in basa a l'examinaiziun preliminar

Fadri Riatsch spiega l'andamaint da la chosa. Dal 2017 d'eiran gnüdas inoltradas las actas in connex culla planisaziun cumünala pro Chantun per üna examinaziun preliminar. Dürant lon 2018 han ils uffizis chantunals pertocs examinà minuziusamaing la proposta davart dal cumün. In basa da quai es gnü redigi üna posiziun a man dal cumün. Our da motivs cha davart da las istanzas cumünalas nu's d'eira cuntaint cun divers puncts, ha il capo, il supstant dal dicasteri ed il manader tecnic giavüschà üna sezzüda a Cuira pro l'uffizi pel svilup dal territori. A chaschun da quella han els gnü occasiun da's intermetter pels interess da cumün. Quai chi tils es eir reuschis, il rapport es gnü adattà in quella maniera. D'avantag es eir stat, cha tal uffizi a desisti da suottametter lur adattamaints repetidamaint eir als ulteriurs uffizis chi sun pertocs. La cumischiun da planisaziun es, in basa al rapport adattà, amplamaing repassada las actas ed ha decis, ingio chi fa sen, ulteriuras propostas per adattamaints. Il manader tecnic spiega las propostas in basa a plans da las fracziuns pertoccas. Las propostas sun argumentadas e radschunaivlas, uschè chi nu da andit in suprastanza a corregger quellas.

In quist connex vegnan inavant discussiunats ils prossems pass. L'exposiziun da cooperaziun sco eir l'exposiziun publica han da gnir organisadas e structuradas da maniera sufficiaintas. Id ha da gnir definà la via pel sclerimaint da dumondas da singuls proprietaris. Da l'otra vart ha da gnir comunicà cler ed evidaint co cha eventualas propostas o protestas han da succeder.

La suprastanza va d'accord culla proposta e decida chi han da gnir inviats ils prossems pass.

8715 Ütilisaziun da l'energia

123 Energia Engiadina; contribuziun al man public

Fixaziun da tala pel 2021

Il capo manzuna cha d'avart da l'EE-Energia Engiadina saja gnüda inoltrada üna charta culla dumonda pella contribuziun a favur dal man public in connex cul quint da forz'electric. Fin l'on passà es quella dumonda adüna gnüda suottamissa a la radunanza. El manzuna però cha l'import total es part dal preventiv, uschè cha la radunanza ha finigà fat bun quel.

La suprastanza decida da fixar quel import pel on 2021 pro rps. 0.5/ukw, quai chi correspuonda lura a la soma aint il preventiv 2021. L'EE Energia Engiadina es d'orientar in quist sen.

8120 Vias champestras

124 Surpassamaints

Vias champestras

Il manader da l'administraziun orientescha chi sajan gnüdas fattas annunzchas in connex cun surpassamaints a regard las vias champestras. Ils automobilists chi han surpassà ils uordens, han inoltrà lur posiziuns.

La suprastanza decida cha tuots duos auotmobilists vegnan chastiat.

0120 Executiva

125 Orientaziuns

Lavur cun giuventüna

Armon Kirchen manzuna chi sajan be gnüdas fattas dumondas in connex culla piazza da lavur cun giuventüna chi d'eira gnüda publichada, mo ningünas annunzchas concretas. Our da quel motiv ha la cumischiun da lavur da giuventüna contactà a Chasper Luzzi chi lavura a Scuol pro la Buttega (Movimento). Els han trattà cun el sur dad eventualas cundiziuns per svagliar seis interess. Quellas ha tala cumischiun inoltrà prol manader da l'administraziun culla proposta d'eleger a Chasper Luzzi. Il manader da l'administraziun manzuna cha quai saja tractandà pella sezzüda da direcziun dals 28 d'avuost 2020.

Fundaziun Vnà

Fadri Riatsch manzuna cha a chaschun d'üna sezzüda da la Fundaziun Vnà haja el gnü occasiun da discussiunar cun Duri Janett sur dad eventualas pussibilitats in connex cun ün ingaschamaint a favur da la sala polivalenta a Tschlin. Fadri es da l'opiniun chi voul ün sforz per pussibiltar a las societats da Tschlin da pratichar lur hobi eir in avegnir illa fracziun da Tschlin. In quist connex füss radschunaivel da discuorrer insembel cun tuot las societats da la fracziun.

0120 Executiva

126 Varia (suprastanza cumünala)

Da la tractanda nu vegn fat adöver.

7556 Ramosch, 16.09.2020



Il capo:

Il manader administraziun: